

外科樞要

刻外科樞要序

往余少時獲交於立齋薛先生嘗與余通書所云
筍襲者亡算時時竊好之弗置也嘉靖戊午余上奏
官先生報病瘍北舉進士歸則先生死矣先生神于
醫而尤以瘍擅名所爲諸瘍書甚具凡病癰腫癰疽
攣踈癭癘經先生診治不立已然然卒用瘍死故人
多訾先生以爲執泥補瀆不知合變嗟乎寬哉其意
之也始余識先生時頰病腫瘍瀕死先生竟活之語
在醫案中當是時諸醫抱藥囊環立咸愕吐舌不敢
出一語而先生率意信手日劑一二不動聲色坐而

收功如充國金城之兵方略豫定其正翕張動中度
算卽是以例先生之醫殆所謂神解者而世乃以執
泥譬之豈非貴耳賤目者衆耶語云尺有所短寸有
所長必若所云是越人至今存而軒岐不古也嘻亦
謬矣昔楊子雲作太玄法言桓譚以爲必傳且謂世
人親見子雲故輕其書當時博聞如劉歆亦恐後人
用覆醬瓿然則世之所爲譬先生亡乃類是也乎乃
余則以爲醫顧業精否耳業誠精矣當必有排衆莠
而獨是之者一時知不知亾論也先生沒諸版刻
次流散余悉爲購得之而先生從子師顏復善外科

樞要一編示余益不獨補諸刻之未備而立凡舉要
深足爲瘍家指南因屬讎訂并刻之余固親見先生
者方魏不能爲先生之桓譚而師顏之克世家學則
劉歆之慮吾知其免矣夫先生諸他著作世多有其
書不論所爲序本樞要論所繇刻云

隆慶辛未夏五旣望樵李沈啓原道卿撰

外科樞要目錄

卷一

論瘡瘍二十六脉所主

論瘡瘍五善七惡主治

論瘡瘍當明本末虛實

論瘡瘍用針宜禁

論瘡瘍欲嘔作嘔

論瘡瘍用汗下藥

論瘡瘍圍寒涼之藥

論瘡瘍泥用定痛散

論瘡瘍用生肌之藥

論瘡瘍去腐肉

論瘡瘍未潰用敗毒之藥

論瘡瘍用針勿忌鬼神

論瘡瘍陽氣脫陷

論瘡瘍發熱煩躁

論瘡瘍輕症用重劑

論瘡瘍當捨時從症

論瘡瘍大便秘結

論瘡瘍大便瀉痢

論瘡瘍小便淋漓頻數不利

論瘡瘍作渴

論瘡瘍出血

卷二

論腦疽

論耳瘡

論贅疽

論癰癰

論時毒

論疥癩

論發背

論乳癰乳巖桔核

論疔瘡

論肺疽肺痿

論胃脘癰

論腸癰

論腹癰

論流注

論鶴膝風

論天泡瘡

論赤白遊風

論疥瘡

論附骨疽

論多骨疽

論翻花瘡

卷三

論醫癰

論囊癰

論懸癰

論便癰

論下疳

論痔瘡

論便血

論脫肛

論腎臟風

論膝瘡

論足跟瘡

論腳發

論脫疽

論瘤贅

論疣子

論發瘡

論類破傷風

外科樞要卷之一

薛氏醫按

吳郡薛

已著

新都吳玄有校

論瘡瘍二十六脉所主

浮脉之診浮於指下按之不足舉之有餘再再尋之
狀如太過瞥瞥然見於皮毛間其主表症或爲風或
爲虛浮而大散者心也浮而短濇者肺也浮而數者
熱也而反惡寒者瘡疽之謂也
洪脉之診似浮而大按舉之則泛泛然滿三部其狀
如水之洪流波之湧起其主血實積熱瘡腫論曰脉

洪大者瘡疽之病進也如瘡疽結膿未成者宜下之
膿潰之後脉見洪大則難治若自利者不可救也

滑脉之診實大相兼往來流利如珠按之則累累然
滑也其主或爲熱或爲虛此陽脉也瘡疽之病膿未
潰者宜內消也膿潰之後宜托裏也所謂始爲熱終
爲虛也

數脉之診按之則呼吸之間動及六至其狀似滑而
數也若浮而數則表熱沉而數則裡熱也又曰諸數
爲熱仲景云脉數不時見則生惡瘡也又云肺脉俱
數則生瘡也診諸瘡洪數者裡欲有膿結也

散脉之診似浮而散按之則散而欲去舉之則大而無力主氣實而血虛有表無裡瘡腫膿潰之後而煩痛尚未痊退診其脉洪滑粗散者難治以其正氣虛邪氣實也又曰肢體沉重肺脉大則斃謂浮散者也長脉之診按之則洪大而長出於本位其主陽氣有餘也傷寒得之欲汗出自解也長而緩者胃脉也百病皆愈謂之長者則易治也

芤脉之診似浮而輒按之中央空兩邊實其主血虛或爲失血瘡腫之病診得芤脉膿潰後易治以其脉病相應故也

牢脉之診按之則實而弦且沉且浮而有牢堅之意
若癰癰結腫診得牢脉者不可內消也

實脉之診按舉有力而類結曰實經曰邪氣勝則實
久病虛人得此最忌瘡疽之人得此宜急下之以其
邪氣與臟腑俱實故也

弦脉之診按之則緊而弦其似緊者爲弦如按弦而
不移緊如內繩而轉動以此爲異春脉浮弦而平不
時見則爲飲爲痛王寒王虛瘡疽論曰內寒外熱欲
發瘡疽也

緊脉之診似弦而緊按之如切繩而轉動其主切痛

積癰是癰腫得之氣血沉滯也亦主痛也滯脉之診
按之則散而復來舉之則細而不足脉滯則氣滯也
亦主血虛瘡腫潰後得之無妨也

短脉之診按舉則不及本位內經曰短則氣病以其
無胃氣也諸病脉短者皆難治瘡腫脉短真氣短也
細脉之診按之則縈縈如蛛絲而欲絕舉之如無而
似有細而微其止亾陽衰也瘡腫之病脉來細而沉
時值者裡虛而欲變症也

微脉之診按之則軟小而極微其主虛也真氣復者
生邪氣勝者危瘡腫潰後脉微而勻舉自瘥也

遲脉之診按舉來遲呼吸定息方得三至其狀似緩而稍遲痼疾得之則喜新疾得之則正氣虛憊瘡腫得之潰後自痊

緩脉之診按之似遲而稍駛於遲仲景云陽脉浮大而濡陰脉浮大而濇陰陽同等謂之長緩脉見長緩百疾自瘳凡瘡腫潰後其脉濇遲緩者易愈以其脉病相應是有胃氣也

沉脉之診舉之不足按之方見如爛綿其主邪氣在臟也水氣得之則逆此陰脉也瘡腫得之邪氣深也伏脉之診比沉不同伏于筋下推筋而後見與沉相

類而邪氣益深矣

虛脉之診按之不足極大而軟輕舉指下豁然而空
經曰脉虛則血虛血虛生寒陽氣不足也瘡腫脉虛
宜托裡和氣養血也

軟脉之診按之則如帛在水中極軟而沉細亦謂之
軟其主胃氣弱瘡腫得之宜補虛排膿托裡

弱脉之診似軟而極微來微瀾似有仲景云微弱之
脉綿綿如瀉漆之絕其主血氣虛形精不足大抵
瘡家沉遲濡弱皆宜托裡

促脉之診按之則去數來時一止而復來仲景云陽

盛則促主熱蓄於裡也下之則和瘡腫脉促亦宜下之
結脉之診按之則往來遲緩時一止而復來仲景云
陰盛則結經曰促結則生代則死

代脉之診其止有常數而不忒如十動一止雖數十
次皆見於十動之後如二十動一止雖數十次皆見
於二十動之後代者氣衰也諸病見之不祥凡瘡腫
之病脉促結者難治而况見代脉乎

動脉之診見於關上無頭尾如豆大厥厥然而動搖
者是也脉經曰陰陽相搏故謂之動動於陽則陽氣

虛而發厥動於陰則陰氣虛而發熱是陽生於尺寸
動於寸陰生於寸而動於尺不可不辨也

謹按脉者人身之造化病機之外見醫家之準繩
不可不精究而熟察至於太谿衝陽又爲診法之
要生死之機也故十二經脉皆係于生氣是氣者
入之根本寸口脉乎而死者生氣獨絕於內也難
經云上部有脉下部無脉其人當吐不吐者死上
部無脉下部有脉雖困無能爲者是脉有根本人
有元氣也夫人受氣於穀乃傳於臟腑清者爲榮
濁者爲衛榮行脉中衛行脉外陰陽相貫如環無